

皇明通紀法傳全錄

皇明通紀法傳全錄卷十四紀

東莞 陳 建著輯 西湖高汝棧 參訂

高 揚增 其珍 校

太宗文皇帝紀

帝高皇帝第四子初封燕王後憤齊黃之亂典章起靖難而入正大統在位三

十二年以庚子七月十八日崩壽六十五上徽號

曰體天宏道高明廣運理武神功純仁至孝文皇帝

廟號太宗至嘉靖年改號成祖葬長陵

癸未永樂元年正月命監察御史巡行天下次訪利弊

興革之宜以聞○命三司會官 審獄囚以清冤滯

命寶源局鑄農器給山東等處被兵之民○進陳瑛左

都御史○定官俸米鈔兼支例從戶部尚書夏原吉等

品愈卑而
祿愈薄若

又折或則
難命重而
廉耻輕矣
其何以風
勵百官乎

之議也

此官俸折鈔之始。累朝以來。又有折布。折絹。折鹽。折
賦。罰庫衣服。胡椒。蘇木事例。日薄月削。正統以後。則
有二分支米。八分支鈔。或三分米。七分鈔。雖九品雜
職。無不皆然。國初鈔法通行。猶可。後來鈔一貫。僅直
錢二文耳。嗚呼。俸祿
薄。而欲吏之廉。難矣。

二月詔以北平爲北京。設北京留守。行後軍都督府。爲
北京行部。以郭資。雒兪。並爲刑部尚書。所屬分置吏戶
禮兵刑工六曹。清吏司。○改北平府爲順天府。其北平
都司。布政司。按察司。衙門俱革。○遣使齎書往迤北諭
韃靼。可汗鬼力赤。遣使往來通好。同爲一家。使邊城烽
堠無警。彼此熙然。共享太平之福。不報。

先封功臣
而冊立太
子遷還歲
月感人深
矣

遠臣欺蔽
之禍最深
初國立法
最嚴重處
甚遠

三月朔文武百官，後上表請立皇太子。敕答曰：覽表具悉。朕嗣承大寶，思惟永圖，負荷之艱，夙夜祗栗。矧在長子，知識未廣，德業未進，儲貳之任，豈當遽承？必欲以正元良，宜預成其德業，未允所請。○皇子高煦率兵備開平，虜寇遼東三萬衛，指揮沈永不能追襲，又不奏聞，上以欺蔽誅之。令兵部榜諭天下都司衛所，凡有草賊及虜寇聲息，不以聞者，鎮守官以下職無大小，罪與永同。○瀋陽中屯衛軍士唐順言衛河之源出衛輝府輝縣西北太行山下，其流自縣沿北經衛輝城下，抵直沽入海，南距河陸路五十餘里，若開衛河距黃河百步置

倉厥受南方所運糧餉轉至衛河交運公私兩便上
命廷臣詳議候民力稍甦行之

四月勅諭中外文武羣臣曰帝王國治必審于用人或
取諸亡國或舉于仇怨惟其賢而已若唐太宗用王珪
魏徵尉遲敬德宋太祖用范質王溥石守信輩相與協
心比力共建功業載在信史垂光後世照然可鑒也朕
蒞祚以來思惟文武羣臣皆皇考舊人推誠用之纖
悉無間比聞羣臣猶有懷疑不安于職者此益不達天
不明朕心故也爾文武羣臣皆皇考所教育以遺子
孫者豈異國與仇怨之比乎昔孟莊子不改父之臣與

沛水漸西

吳民至今
賴之春秋

祠祭

鈔易皆瀾
不必言然

以千文為
鈔無奇云

不便細民
貿易其不

父之政。見稱孔子。朕每誦之。慨然希慕。故今所任幾務
 之重。宥密之嚴者。盡皆前日靖難之人。此天下所明見
 而共知也。又何嫌疑之有哉。其各盡乃心。共乃職。摠誠
 共事。可以永保富貴。朕言不再。其體之。○命戶尚書夏
 原吉。往浙西諸郡治水。時嘉興、蘇松諸郡。頻歲水患。屢
 勅有司督治。並無成績。故有是命。役夫十萬餘。原吉布
 衣徒步。日夜經營。盛暑揮蓋。于是水洩。農田大利。又以
 鈔法不通。下令禁金銀交易。犯者准姦惡論。有能稱捕
 者。以所交易金銀充賞。直然鈔楮易于昏爛。雖有倒換
 之令。收受艱難。法雖嚴而竟不行。○太白出鼎北。○後

行宜也計
臣以意創
造非經國
遠謀

二玉初以
不道見廢
今猶不悅
視屬廢王
執爲過刑

翼三大營

封周王于河南、齊王于青州、湘王賜謚曰獻、治其墳廟、
代王、岷王皆脫拘囚、還其封爵、既而代王柱縱暴、殺人
奪財、賜書戒之、岷王所爲不法、搜拘諸司印信、激變夷
人、詔悉降其王府官職事。○李至剛妻父有犯、都察院
逮問、當處以重刑、至剛乞免于上、上曰、法司鞠獄情
之輕重、外人何以知之、對曰、此黃信與臣言。上命錦
衣衛鞠之、有實狀。命誅右副都御史黃信、以爲漏泄
獄情之戒。○置三大營、設總兵官、京城操練之法、洪武
時立爲五軍營、分大小教塲、與城外城內操練、永樂初
分爲三大營、曰五軍營、有步隊、馬隊、專教陣法、曰神機

營皆步隊。肄習火器。日三千營。皆馬隊。專扈從。出入管車輦寶。繇等事。每營以公侯伯二人充提督總兵官。

強天下之兵。當自京營始。夫祖宗朝以武功定。易設立京營。統以文武重臣。環以副將裨將。率以十二萬神策羽林。無事則實畿甸。有事或遇邊徼。最大而難制者。合出征討。事平奏凱。伏念天朝體統。何等隆重。夷虜反側。視此潛消。乃自有遼變以來。京將不聞有一員可當推轂。京兵不聞有一隊可效馳驅。根本如此單弱。九邊何所瞻望。況談兵說劍。凡滿公車。俱儒臣章奏。武臣絕無議論。豈武臣有言兵之禁乎。爲今之計。當先汰京營庸品。急選名將。真足以備命將出師之任者。儲之左右。無得越俎。在兵習兵。在將直將。先挑預練。亦赫聲濯靈。臨近及遠之一策。斯無負祖宗置營之意乎。

封駙馬都尉袁容。廣平侯。○李讓。富陽侯。○容尙永安公主。○讓尙永平公主。前在北平皆有守城功。封爵未

謂行封賞
未當之臣

及羣臣以爲請。上曰：朕非忘之，候諸將士封賞定，然後論之耳。○續封功臣李彬等爲侯伯。上慮封賞靖難功臣有未當者，命淇國公丘福等擬議以聞。于是封督僉事李彬爲豐城侯，故涇國公陳亨之子陳懋爲寧陽伯，金鄉侯王真之子王通爲武義伯，王友靖、遠伯陳賢、榮昌侯張興、安鄉伯陳志、遂安伯○戶部尚書郁新等言：「淮河至黃河多淺難，跌坡、餽運艱阻，請自淮安用船可載三百石以上者，運入淮河至黃河，陳州、潁岐口跌坡下，復以淺船可載三百石以上者，運至跌坡上，別以大船載入黃河，至入柳樹等處，令河南軍夫運赴衛。」

行傳勞力

高皇帝實錄

共一百八

十三卷

文皇入苦

兵革樂干

安靜亦幸

夷酋悔禍

不然未有

不以西平

之皆爲正

告也

帝王存心
乎天下如

河轉輸北京從之○修太祖高皇帝實錄成

○鎮守雲南西平侯沐晟奏車里宣慰司土官刁遲答

侵威遠地擄其知州請發兵討之上謂兵部臣曰兵

易動難安一或輕舉傷人必多且人有不善以理告論

未必不從如其不從然後加兵未晚乃勅沐晟遣人諭

之既而刁遲答悔懼還所擄知州及威遠州之地遣使

入貢方物謝罪○上御右順門與侍臣論時政曰朕卽

位未久嘗恐民有失所每宮中秉燭夜坐披閱州郡圖

籍靜思熟計何郡近罹飢荒當加優恤何郡地迫邊鄙

當嚴守備旦則出與羣臣詳議行之近河南數處旱蝗

此不寧其
心可知

耿盛何早

諸君勿已

端附一時

獲有後皆

不得其死

會通未開

故海陸二

道兼通

朕心不寧。故遣使省祖不絕于道。如得斯民小康。朕之願也。○削歷城侯盛庸爵。下獄死。上初登極。命庸鎮守淮安。移鎮山東。庸每不自安。至是都御史陳瑛等劾奏庸口出怨言。心懷異圖。遂削爵下獄而死。諸子皆被戮。○九月。籍長興侯耿炳文家。刑部尚書鄭賜及陳瑛等劾奏炳文服器僭飾龍鳳。玉帶借用紅鞞。上曰。炳文先朝老臣。亦爲此。其速改。炳文大惧。暴卒。長子璿坐罪死。仲子獻先以都督保山海關。嘗請攻北平。至是論死。命平江侯陳瑄總督海運糧。赴北京及遼東。十月。以高唐州民王政言事稱旨。特擢爲刑科給事中。

何異懸靴
設鐸
左右之美
可思
欲知民疾
苦而急于
求言可謂
勵精圖治

十一月 上欲知民所疾苦命吏部尚書蹇義等凡郡縣考滿至京選其識達治體知恤民者于六科辦事令各言所治郡縣事久未有言者 上謂給事中朱原貞等曰朕夙夜慮天下之民有失所者爲爾曹未能盡知故選郡縣考滿官假辦事之名俾于六科隨爾等在朕左右如朕有所欲聞即可知彼有所欲言即可達而至今不聞有一人言者夫郡縣之間豈都無一事利害可言歟在朕左右尚猶默然况遠千里尚肯言乎爾等退以朕意申諭之○江西左叅議孫浩廣東副使鄒侑坐事下獄舊制給由者條陳本處民情利病自行具奏于

鴻臚引見之日徑赴進呈時浩等考滿至京不遵此制
遂令法司拿問

治之則優
豐之則玩
條詰更詳
人人知自
新矣

成祖深得
創升粘義

閏十一月封黎蒼爲安南國王、李芳遠爲朝鮮國王○
勅解縉修古今列女傳○禁匿名文書○兵科給事某
言天下衛所官吏所進軍馬文冊或額數虧盈或姓名
互異或不用印信或書名不稱臣或不著年月日若此
甚衆無誠敬之實皆當治上曰臣之才力不齊而軍
馬之數繁或短于計數或成于迫速容有謬誤姑釋勿
問其條舉所失詰之俾更其詳具進○上謂侍臣曰漢
武窮兵黷武以示夷狄全盛之力遂至彫耗當時雖得

提督市航
之始

考察之係
其重今日
概補過堂
打保以了
故意司
優待甲科
新純老科
百案責亦
可嗟矣

善馬豈足償萬一之費。朕今休息天下，惟望時和歲豐，百姓安樂。至于外夷，但思有以備之，必不肯自我授之。以罷疲生民。近臣言今日惟當安養中國，慎固邊方。此言甚合朕言。蓋斯人老成，非喜功好勝之流。以是特嘉獎之。○命內臣齊喜提督廣東市舶。

十二月 上謂蹇義陳瑛等曰：爲國牧民，莫切于守令。賢則一郡一邑之民有所恃，而不得其所者寡矣。如其不賢，當速去之。蓋吏部選授，出一時倉卒，未能悉其才行。必考察所行，乃見賢否。其令巡按監察御史及按察司、九府州縣官到任半載以上者，察其能否貪廉之任。

北即漢書
述山東民
定閭中之
意

如婦人賢
則私灌果
入本所以
不得其才
賢者猶然

具奏○選天下殷實大戶充北京富戶附籍順天府○
詔令凡有利國利民之事不拘百工技藝之人皆許具
實敷奏○勅吏部傳令內外諸司于群臣百姓之中各
舉所知或堪重任而沉滯下僚或可剗繁而優游散地
或抱道懷才隱居田里無問遠近並以名聞毋媚嫉蔽
賢毋徇私濫舉

甲申永樂二年正月改封懿文太子第四子敷惠王允
熙爲甌寧王奉懿文太子祀○遣永春侯王寧隆平侯
張信齋璽書召世子及郡王高煦赴京

二月會試天下貢士命侍讀學士解縉侍講黃淮爲考

取士從多
盛興

試官取楊相等、四百七十二人、先是禮部奏請會試選士之額、上問洪武中所選幾何、尙書李至剛對曰各科不同、多者四百七十餘人、少者三十人、上曰朕卽位初、取士姑率其多者、後不爲例

創立太子

三月、廷試賜魯縉、周述、周孟簡等進士及第、出身有差、命平江伯陳瑄充總兵官、都督宣信、克副總兵、帥舟師海運江南糧百萬石、至直沽、以給北京、自是歲以爲常、○四月甲戌、冊立世子、御名高熾、爲皇太子、郡王高照爲漢王、高燧爲趙王、○命吏部尙書蹇義、兵部尙書金忠並兼詹事府詹事、禮部尙書李至剛兼左春坊大學

極一時人
才之盛

錄

淮古萬世
正法

士。陸解縉翰林院學士兼右春坊大學士。黃淮胡廣爲
左右庶子仍兼侍讀。胡儼楊榮爲左右諭德仍兼侍講。
楊士奇金幼孜兼左右中允。召北京刑部主事尹昌隆
爲左中允。修撰李廣爲右中允。陸編修楊溥中書舍人
姚友直俱爲司經局洗馬。餘贊善司直司諫清紀校書
官俱擇人爲之。初上與武臣丘福等議建儲文
臣惟金忠預皆靖難時股肱也。武臣咸請立尙照謂
其有扈從功金忠以爲不可。上猶豫未定遂召解縉
預議。縉言立嫡以長復曰好聖孫。指太廟也。上又密
以問黃淮淮亦曰長嫡承統萬世正法復召問尹昌隆。

旨隆對與淮同。

上意遂決立東宮

履危之意
兵見于言
詞

靖難兵起，世子居守，高煦有膂力，善騎射，從行，頗有
功。江上之戰，靖難兵稍却，高煦遂引胡兵至。文皇撫
其背曰：「吾力倦矣，汝努力已而。」誅建儲，藩府舊臣，洪
國公立福、駙馬王寧皆善高煦，時時稱二殿下。文皇
曰：「居守功高，于危從，儲貳定于嫡長，且元子仁厚，真
社稷主。汝等勿復言。」至是，儲已定，封高煦國雲南，烈
快快不肯去，曰：「我何罪，斥萬里？」吹青州又快，快不肯
去，曰：「我何罪，匿我。」上文皇不悅。皇太子為解得
暫留京師，又請得天策衛為護衛，曰：「唐太宗天策上
將，吾得之，豈偶然？」又請益兩護衛，曰：「我英武，豈不類
秦王世民乎？」

安南故王孫陳天平來朝，奏言其王日焜為奸臣犁季

聲所殺。季聲上表，竄姓名曰胡一元。子曰：「胡奎詐稱陳

試至第位
暴雪四人
一國皆為
蒙蔽其罪
難容

氏絕嗣奎為甥求權署國事上從其請諭年天平由

雲南老撾走至京師愬其實其陪臣伯耆適來告急

自比于包甲胥上憐而納之命有司賜居第月給

其廩十二月安南遣使賀正旦上令禮部出陳天平

見之使者識其故王孫也皆錯愕下拜有感激泣者裴伯

耆亦責使者以大義皆惶恐不能對上聞之遣御史

李琦行人王樞齋勅問胡奎纂奪之故

五月上諭講臣曰帝王之學貴切已實用講說之際

凡一切浮汎無益之語勿用

五月封哈密安克帖木兒為忠順王

文華寶鑑
成

知要二字
揭出為治
與種子

松哈密古伊吾陸地在鐵嶺北大磧外西北羌胡往來要路也元封忽訥失里為威武王已而改封肅王卒弟安克帖木兒嗣洪武時置甘肅衛于張掖肅州衛于酒泉京州衛于武威西寧衛于湟中又置山丹永昌鎮岷州莊浪四衛高臺鎮夷古浪三千戶所自陝西路關○文皇初設關外七衛曰哈密曰安定曰阿端曰赤斤蒙古曰曲先曰罕東曰罕東左七衛皆在嘉峪關西哈密又在六衛西東去肅州西去吐魯番各千五百里北至尾刺數百里至是改封安克帖木兒為忠順王以頭目馬哈麻火只等為指揮等官分其衆居苦峪城

文華寶鑑成先是命侍臣輯自古以來嘉言善行有益于太子者為書以授皇太子至是書成上召皇太

子諭之曰修己治人之要具于此書昔堯舜相傳惟曰允執厥中帝王之道貴乎知要知要便足為治爾其勉

之。皇太子拜受而退。○上顧侍臣解縉等曰。朕皇
考訓戒太子。嘗採經傳格言爲書。名儲君昭鑒錄。朕此
書。稍寬廣之。益以皇考聖謨太訓。以爲子孫萬世帝
王之法。誠能守此。足爲賢君。昔秦始皇敎太子以法律。
晉元帝授太子以韓非書。帝王之道。廢而不講。所以亂
亡。朕此書皆大經大法。卿等兼輔東宮。從容閑暇。亦當
以此爲說。庶幾成其德業。他日不失爲守成令主。○上
御奉天門。召六科給事中諭之曰。朕君臨天下。夙夜倦
倦。惟欲君民老少皆安爾等職居近侍。比來皆不聞一
言。及于軍民利病。何也可退而思之。條析以聞。朕將審

賈詡曰爲
看者道之
言文皇有
海一

求言圖治

擇行之。又曰：天立君以養民，君不恤民是不敬天。君資
臣以成治，臣不輔治是不忠君。朕與爾等皆不可不勉。
又一日諭六科曰：朕日臨百官，可否廢幾，或有失中，爾
等宜直言無隱。又顧學士解縉等曰：敢爲之臣易，求敢
言之臣難。得敢爲者，強于己；敢言者，強于君。所以王魏
之風，世不多見。欲使進言者無所畏，聽言者無所忤，天
下何患不治？朕與爾等皆勉之。

上擢左善世道衍爲太子少師，始復姓姚，賜名廣孝。
上自是稱爲姚少師而不名，亦終不蓄髮娶妻，居止多
在僧寺，常賜二宮人亦不近。至是命其往蘇湖等府賑

并婦賢

此等著書
有七于洪
不徒錄元

濟廣孝初爲僧其娣嘗戒之曰汝既爲和尚當發慈悲心蓋知其好殺也及預靖難娣歎息謂人曰和尚慈悲當如是耶廣孝既貴還吳往見娣娣拒之曰貴人何用至貧家爲不納廣孝乃易僧服而往娣堅不肯出家人勸之娣不得已出立堂中廣孝卽連下拜娣曰我安用爾拜許多耶曾見做和尚不了底是甚好人言畢遂還戶內不復再見

六月饒州鄱陽縣儒士朱友季詣闕獻所著書專毀濂洛關閩之說肆其醜詆上覽之怒曰此儒之賊也李至剛解籍等請寘于法楊士奇曰當毀其所著書廢幾

具書不焚
流書無已

不誤後人。上從之。卽遣行人押友季還饒州。會司府縣官聲其罪杖之。悉焚所著書。

七月解絳等進呈大學正心章講義。上覽之。諭解絳

等曰。人君誠不可有所好樂。流而不返。則欲必勝理。朕

每退朝。未嘗不思管束此心。爲切要人君。但于官室車

馬服食玩好。無所增加。則天下自然無事矣。○勅諭寧

夏總兵官都督何福等曰。寧夏多屯所。虜猝至。恐各屯

先受掠。可于四五屯內。擇一屯有水草者。四圍浚濠。廣

丈五尺。深如廣之半。築土城高二丈。開八門。以便出入。

旁近四五屯。輜重糧草。皆聚于此。無警則各居本屯耕

此堅壁清
野之策近
日邊陲屯
聚常近此

野蚕成繭
獻瑞虞

牧有警則驅牛羊入城固守以待援兵則寇無所掠此
特守屯事朕過計如此其攻取戰守之策在爾深思之
○野蚕成繭禮部請賀不受○周王橐來獻騶虞百僚
稱賀上謂侍臣曰祥瑞之來令人易怠是以古之明君
皆遇祥自警未嘗因祥自怠警怠者國之安危係焉騶
虞若果爲祥其朕更當加慎是日晏周王于華蓋殿賜
其從官晏于中門

九月夏原吉浙江治水訖工先是原吉至浙西按視咨
訪利害奏言浙西諸郡蘇松最居下流環以太湖綿亘
五百餘里納杭湖宣歙諸州溪澗之水散注澱山等湖

以入三泖。頃爲浦港堙塞。滙流漲溢。傷害禾稼。拯治之法。要在浚滌。吳淞諸浦。港泄其壅。通以入于海。上從之。于是發浙西兵民十餘萬。浚吳淞南北兩岸。安亭等浦。引大湖諸水。一自嘉定縣劉家港。徑入于海。一自常熟縣白茅港。直注于江。又浚松江府范家丘。至南踰口。上接大黃浦。以達湖。泖之水。以復禹貢三江入海之跡。水患乃息。

高汝校曰。國家財賦仰給東南。而吳郡恒多水患。蓋東南諸水。咸匯太湖。太湖由三江入海。而三江久失故道。東江不可復尋。獨婁江尚在。吳淞江雖在。而多湮。其別出一支。分從常熟白茅港入海。最大且駛。而海沙關塞。久成平陸。以大勞論太湖吞納衆流。猶人之腹。白茅吳淞。則尾閭也。陽城崑山華亭諸處。猶脉

絡也。尾閭不泄。腰且腹脹爲病。四支百脉無不病者。故疏宜興。湖州諸閘。水歸太湖。無礙。則常之宜興。武進。湖之烏程。歸安。涇之華亭。可無水患。濬吳淞。白茅之閘。太湖之水入江海無礙。則蘇之長洲。常熟。崑山。可無水患。不特永樂初。夏忠靖公治之。卽正統中。周文襄公。景泰中。李侍郎敏弘治中。徐侍郎賈嘉靖中。李尙書充嗣治之。夫忠靖。文襄。不可尙已。其餘雖互有得失。然其施爲之品式。舉行之次第。扶剔之膏弊。往迹具在。有志經國者。所當一一究心者也。

上與侍臣論諸關隘之險。解縉曰。關隘之險。莫如山海關。其次則金陂。君庸。松亭。古北口。皆天造地設。以爲華夷之限。皆在京師之脊背。若負展然。可謂天險矣。上曰。山川丘陵地之險也。城郭溝池人之險也。夫險者何。不可階而升。卽其險也。人險有功。地險有形。天險自然。

而已在德不在險德者天險也

高汝杞曰五代史稱榆關在平州之東其東臨海北有兔耳山覆舟山皆陡絕並海東北有路狹僅通車其旁僅可耕植唐時置硤石白狼諸城以守之即今山海關按金虜節要曰燕山之地易州之西北乃金坡關昌平縣之西乃居庸關景州之東北乃松亭關順州之北乃古北口也平州之東乃榆關榆關之東即金人之來路蓋金鼓關即紫荆關榆關即山海關松亭關不知所在

以翰林侍講胡儼爲國子監祭酒○翰林侍講學士王達侍

皇太子進講乾九四爻舉儲素爲說講畢

皇太子召楊士奇問曰經旨于此恐無備貳之說達不合議否奇對曰講臣非正道不陳豈敢含譏此本宋儒

無月新註
今太宗
處其真胞
其無外之
渡

胡瑗之說也。皇太子曰：對我言此，常人得此，又亦舉此說乎？士奇曰：殿下此問最好。因舉程子云：凡卦六爻，人人有用。聖賢有聖賢用，衆人有衆人用。君有君用，臣有臣用，無所不通。皇太子大悅。○上御右順門，召解縉、黃淮、胡廣、胡儼、楊榮、楊士奇。金幼孜諭之曰：朕卽位以來，爾七人朝夕相與共事，朕嘉爾等恭慎不懈，故在中亦屢言之。然恒情保初見，終難朕固常存于心。爾等亦宜謹終如始。庶幾君臣獲保全之美。縉等叩首言：陛下不以臣等淺陋，過垂信任，敢不勉勵圖報。上喜，皆賜五品公服。又曰：皇后數言欲召見爾七人，命婦其

官如家處
東顧可也
明長相遇
之風

訪云放人
無救急中
急期事關
軍國乎彼
欲還宿遷
延籍口待
報而後行
者與晚世
之陋親也
不拘文法
盡心邊務
上下各盡
其道

令卽赴柔儀殿見是日縉等妻入見 中宮訓勞備至
皆賜五品冠服及鈔幣表裏○鄭賜劾奏廣東儋州知
州陳敏同海南衛千戶陳善等運糧遭風壞舟擅以官
糧濟軍士請逮問之 上曰運糧所以蓄軍有急安得
不與賜等曰法非有命不得擅給 上曰事有權宜待
報而後給無及矣汲黯所以達大體也其置勿問
十月御史有言甘肅總兵官宋晟擅竊威權事多專制
上諭侍臣曰任事不專則不能成功况大將受邊寄豈
可盡拘文法今當明與晟言使之釋疑勅之曰前者御
史言卿專擅此言官欲舉其職夫爲將不專則功不立

朕既付卿以閫外之任。事有便宜。卽行而後聞。自古明君任將。率用此道。忠臣事君。亦在推誠。朕知卿有素。委以重任。彼雖有言。卿勿置意。但盡心邊務。以副朕懷。○十一月。山西蒲州。河津縣。禹門渡。黃河清。自是月十七日至明年三月十八日。始復舊。○戶部尙書郁新等言。御馬監索白象食穀。上曰。白象何補實用。乃欲奪民食以飼之。此古人所謂率獸食人者。勿聽。後召御馬監官責之曰。爾輩坐食膏粱衣輕煖。豈知百姓艱難計。○一日所飼穀。當農夫數口之家。一日之食。朕爲君職在養民。爾輩不令朕知。而爲此事。如復敢爾。必誅不宥。○

冊立長子妃張氏爲皇太子妃。上方寵愛漢王而內臣武威復媒孽皇子短。于是失愛。上常令太子諸王習射。太子以體肥碩。腰腹數圍。若不能射。上輒見恚。令有司減削肉食。某官供膳私益以家散。上知縊其人。上常抑鬱含愠。對徐皇后曰。何以了事。后每緩勸之。一日內苑曲宴。上對后恚晉皇太子甚憤。怒時張妃亦侍宴。忽不見。上令覓之。乃在燹室。手製湯餅以進。比薦。上大喜曰。媳婦兒好。他日我家虧他。撐持痛飲而罷。

高汝斌曰。本朝母后。惟仁孝爲徐武寧女。餘皆出民間。勲戚大臣皆不得立。亦其勢使然。顧于國家有

益觀漢宣許后起微時。登至尊日淺。從官車服甚儉。及霍后立。與駕侍從日盛。賞賜官屬以千萬計。與許后時懸絕。女子若生長富貴。不知民間苦樂。起而居天下之上。縱志奢華。無所怪惜。人主又從而悅之。奇技淫巧。必從此作。天下敝矣。閭閻女子。平生所見。固少奢麗之觀。又習于勤儉。一旦享至尊。供養方且駭異。若不敢當。其于服食器用。必有愛惜。不至暴殄。且在人主左右。得以民間所見。朝夕陳說。尤重之上。得知閭閻疾苦。勝于箴諫。訓諫當萬萬也。祖宗立法之善。此其一云。

北京刑部尚書雋僉言。事語涉誹謗。上以其奏示羣臣。于是都御史陳瑛等。劾奏僉居官貪婪暴虐。擅作威福千餘事。伏誅。

改工部尚書黃福。爲北京刑部尚書。陳瑛劾其不能存恤工匠故也。

將所道理

刑部尙書鄭賜等奉天征討官有以罪繫獄者請論功
定議上曰朝廷太公至正之道有功則賞有罪則刑
刑賞者治天下之大法不以功掩過不以私濟公此輩
征討之功既酬以爵賞矣今有犯而不罪是縱惡也縱
惡何以治天下其論如律○通政使趙葵奏山西民言
介休縣出五色石可爲器用上曰此倖覲小人不可
聽數年兵革災荒百姓困苦未得寧息今又可以此重
困之乎官府求一物卽百姓受一害况此石饑不可食
寒不可衣累民何爲○設天津衛于直沽上以直沽
海運商船往來之衝宜設軍衛且海口田土膏腴命調

祖宗身中
皆之嚴知
此視正統
以後何有
天淵

沿海諸衛軍士築城戍守建百萬倉以儲海運糧別以
小船轉運北京○上聞中官以應天府私取工匠役之
命錦衣衛逮治其罪且召府尹向寶責之日爾職牧民
當體國家愛民之意官禁使令之人非有重權汝何畏
而輒聽之擅以朕百姓作人情可逃罪乎今姑宥爾若
復蹈前非必誅命錦衣衛執私役工匠之中官而治之
○賜六部尚書侍郎金織文綺衣各一襲仍賜學士解
縉及黃淮胡廣楊榮楊士奇金幼孜各二品金織衣一
襲與尚書同縉等入謝言恩禮太過上曰朕于卿等非
過言言之司機密所寫况卿六人旦夕在朕左右勤

楊哲

此舉乃漢
其母得不
相續孫使
黨內黨外

勞贊。不在尚書下。故于賜齋。必求其事功。何拘品級。
自後凡有賜齋。繙等皆與尚書同。○曹國公卒。景隆有
罪。下獄。坐僭踰不法。及匿養亡命。謀爲不軌也。五府
六府都察院。連章劾奏其罪。併及其弟增枝。上初宥
景隆。歿。惟沒其田。賍令杜門。省愆。乃造妖讖。謂十八子。
當有天下。遂執之下獄。景隆見上。呼曰。陛下。非臣。聞
門奉迎。何以有今日。上折之曰。幸是朕來。若他人來。
汝亦開門耶。景隆語塞。遂歿于獄。幽閉其家人。四十餘
年。男女自相昏配。云。○分女直地。建置都司衛所。時海
西女直野人。頭目來朝。設建州。毛憐必里兀者。赤不罕。

以夷攻夷
之上策也

前宗惟滿
可下足民
深得王道
謙富子民
乏道

等衛封其頭目爲都督都指揮千百戶鎮撫等賜印
及誥俾仍舊俗各統其屬以時朝貢自後東瀕海比至
奴兒于北海悉境皆來歸附自開原遼北因其部族建
置奴兒爲都司一爲衛者三百八十四爲千戶所者二
十四爲站爲地面者各七○各令處衛所屯田若官員
軍餘家人自願耕種者不拘頭畝任其開墾子粒自收
官府不許比較○上手書倚任大臣十人蹇義等名授
緡日此十人者皆卿厚善具實封以對緡對曰義天資
厚重中無定見夏元吉有德有量不逮小人劉儔雖有
才幹不知顧義鄭賜可謂君子頗短于才李至剛誕而

知臣莫如
清

附勢。雖才不端。黃福秉心易直。確有執守。陳瑛刻于用。
法好惡頗端。宋禮慙直。而苛人怨不恤。陳給疏通警。赦。
亦不失正。方賓簿書之才。駟贍之心。奏上。上以示東。
官曰。至剛朕已洞燭。餘徐驗之後。仁宗出所評示楊。
士奇曰。人謂縉狂。士縉非狂士也。上又問建文君所。
用之人何如。對曰。此皆洪武中人材。事已往。不足論。又。
問尹昌隆。王汝玉。對曰。昌隆君子。而量不宏。汝玉文翰。
不易得。悉有市心。上深然之。

宣德

乙酉永樂三年正月。免順天。永平。保定。田租二年。寧。
夏總兵何福。盡心屯田。積穀。奏請更定屯田賞罰。爲。
皇明去事錄 卷一百一十五 文皇帝

廣吉士館
課於此

國初加意
作人故一
國憂心鼓
舞故人也
以憂心應
之

經久之計、降勅獎諭之。命學士解縉等、選新進士、才
識英敏者、俾就文淵閣進其學。于是縉等、選修撰、自蔡
編、修周述、周孟簡、庶吉士楊相、劉子欽、彭汝器、王英、王
直、余隅、章敞、王訓、柴廣敬、王道、熊直、陳敬宗、沈升、洪順、
章朴、余學夔、羅汝敬、盧翰、湯流、李時勉、段民、倪維哲、袁
派、祿、楊勉、凡二十八人、以應二十八宿。時庶吉士、周忱、
自陳、年少、願進學。上喜曰、此有志之士也。命增忱為
二十九人、遂命司禮監給紙筆墨。光祿給朝暮膳。禮部
月給膏燭。工部擇近第宅居之。仍命解縉領其事。上
或時至館中。程試課業。或召至便殿。問以經史諸子故

實。且搜奇書僻事。以驗所學。每五日一浴沐。使內臣隨之。校尉備騶從。人莫不歆其榮。

高汝栻曰。斯時上又選中書舍人二十八人習義獻書。以黃淮領其事。一日淮侍上。問諸生習書何如。淮對。今翰林有五墨近陳宗淵。不敢儕二十八人之列。但日日跪階下臨榻。上問。曾持所書來否。淮卽出書呈上。上問。何鄉人。淮以越陳剛之後對。上曰。當令與二十八人同習。淮曰。此人尚在區籍。須例與飲食筆劄。于是命有司落其籍。往入士林。聖主作養人材不拘流品如此。

四月。上謂侍臣曰。致治之道。莫先于廣言路。蓋天下之大。吏治得失。生民休戚。人不言。朝廷何由悉知。又曰。蚤來在宮中。偶忘一事。問左右。皆不能記憶。蓋沉思久而後得之。朕以一人之智。處萬幾之繁。豈能一一記。

憶不忘。一一處置不誤。拾遺補過。近侍之職。自今事之
叢脞者。爾等宜悉記之。以備顧問。所行有未合理。亦當
直諫。朕自起兵以來。違誤直言。爾等慎勿有所領避。
○
韓觀酋長把都帖木兒等。率衆歸附。北虜日益聚近邊。
甘肅總兵官都督宋晟遣人論以朝廷威德。其酋長
率衆把都帖木兒。倫都兒。灰率部衆五千。馬駝萬六千
來歸附。

五月上。以代寧秦晉永興高平平陽諸王過失日多。恩
豫訓戒。以全親親之義。同楚齊蜀等王俱賜書諭之。
○
六月。湖廣都司言楚府付鎮牌一面。遇夜差人出城驗

此即舊錄
所稱降胡
義渠等及
邊郡良民
此軍相為
折衷之斷

此開門。上以書諭之曰。國家舊制。在外各城門。頒諭
皆屬都司軍衛。今王府自出此牌禮。非所宜。即宜停革。
以剛倚重之意。

七月把都等來歸。上大喜。命把都等為右軍都督僉
事。賜姓名。吳允誠。倫都兒。灰為后軍都督僉事。賜姓名。
柴允誠。其部屬保合。為陝西行都司都指揮僉事。賜姓
名楊放誠。餘為指揮千百戶鎮撫。後賜冠帶襲衣文綺。
表裏白金鈔。定有差。命居涼州。令總兵宋晟加意撫恤。
俟允誠等居處既定。選其中勇壯數百。給以官軍三倍
于塞外。價還。非但耀威。亦以招徠。未阻者。仍賜勅嘉獎。

宋晟招懷之功。○宋禮爲工部尙書禮爲工部侍郎時。營北京取材川蜀伐山通道深入險阻故下勅嘉其勞績。○巡按廣東御史汪俊民言瓊州周圍皆海中有黎毋等山皆生熟黎人所居藏亡匿叛侵擾居民今朝廷遣使招諭臣愚以爲黎性頑狠山水峻惡瘴毒最甚臣訪得宜倫縣熟黎峒首王賢祐舊嘗奉命招諭黎人從化者多請仍詔賢祐至京量授以官俾往招諭戒約諸峒無納通逃其熟黎則令隨產納稅一切差徭悉與蠲免生黎歸化者免其產稅三年峒首則量所招名數多寡授以職事如此庶幾黎民願服從之。○海內諸番朝

貢之使益名命福建浙江廣東市舶提舉司各設驛以館之

八月戶部尚書郁新卒召浙西治水戶部尚書夏原吉還掌部事

精誠可以
起鬼神

湖州慈感寺湖音橋下水清徹有蚌嘗浮水面吐珠每風雨卽有蛟龍來攫思靖治水至湖宿寺中夜有黑衣白裘携一美女來見語曰久寓于此歲被鄰豪欲奪吾女若得大人一字爲鎮彼卽歸伏不敢動公書一詩與之中有蚌傾心之句拜領而去未幾公至吳淞江有金甲神來訴曰聘一鄰女已久無賴賺大人手筆抵塞不肯嫁請改判公張目視之神遂巡畏退公因悟曰是慈感蚌珠之仇也滕于海神次日大風雨震死一蛟于錢溪之北文皇方有偵卒報知及還朝問狀對曰此皆門下威德百神効靈臣何能焉上悅甚

國子監祭酒胡儼請申明洪武所定學規從之

儼博極羣書天文地理以及醫卜律曆無不通其說
洪武中爲相城知縣賊虎捕盜奏免積年逋負解績
薦之文皇屢擢是職四年春上幸學賜坐講經
上俯聽悅賞賜甚厚其在太學以師道自尊公無莫
不加敬士由太學出至顯位者咸執弟子禮蓋泰名
重天下諸生托故告歸者咸生法戍邊賴儼申校得
免宋訥以
後一人焉

禮部尙書李至剛有罪下獄降爲儀制司郎中

上以太祖御製嘉禾詩石裝演成軸賜近侍儒臣

九月改刑部尙書鄭賜爲禮部尙書擢真定府知府呂
震爲刑部尙書加封佖安伯張輔爲新城侯時丘福朱
能言其父玉靖難功大輔從征之功亦多故也

復劉子欽庶吉士。子欽由省元至會元。將殿試解籍。喜其才。稱曰狀元屬子矣。子欽自負畧不少遜避。稱少之。明日廷對。以曾祭敷陳詳盡。殆及萬言。遂爲第一。子欽名在十人之後。壓其負也。與選庶吉士。上一日命左右至文淵閣。覘庶吉士講習否。令一一記其動靜。比報各有所事。唯劉子欽初飯罷。被酒袒衣席地酣睡。上召至。謂曰。吾書堂爲汝。因榻即罰去其官。可就往爲工部辦事吏。子欽畧不分訴。竟謝恩起。至外買吏巾條服之。步入工部。跪于庭。尚書見之。驚曰。劉進士何爲爾。特起迎之。子欽曰。奉

聖旨命子欽爲本衙門吏尙書不敢答。子欽便登堂侍立。于傍與羣胥偶少頃。上又命一監入部覘之。還報云。上令召來。子欽猶吏服至。上曰。汝奸沒廉耻。願左右還與冠帶。歸內閣着讀書。子欽又遽起謝恩。出具冠袍還閣中。後以刑部主事坐累謫廣西南丹。終太宗之世止於教官。竟不顯云。子欽江西人。景泰甲戌始卒。壽八十七。

四川布政司奏言。舊制諸番以馬易茶。不許夾帶私物。但有司違禁。又慮杜絕遠人。上曰。立關互市。所以資國用。來遠人也。其聽之。

十月駙馬都尉殷爲盜所殺。殷盡心于建文君。上登極。以寧國公主故。優容之。旣而都御史陳瑛等劾奏殷蓄養亡命。私匿韃靼人。與女秀才劉氏朋奸。詛祝乞正其罪。上曰。朕自有處。令綿衣衛執所匿韃靼人送遼東。殷夙與都督譚深。錦衣衛指揮趙職有隙。一日俟殷四鼓入朝。經笄橋。令人摔殷。死橋下水中。○都督許成發其事。上卽捕深等問曰。汝與都尉何仇。深職二人誑對曰。殷自投水死。上命將殺之。二人曰。奉旨奈何殺臣。上大怒。立命力士持金瓜落二人齒。斬之。并其屍決于竹橋以報。謚殷曰榮定。初公主嘗貽書靖祭。

兵至文皇不答兵至淮北 文皇與公主書言興兵不
得已令公主遷居太平門外勿罹兵禍公主亦不答公
主高皇帝長女也殷既死公主牽文皇衣大哭問駙馬
安在文皇笑曰爲公主跡踪賊無自苦公主謹護二子
速命速取二帶來北至一金一玉文皇與公主言子二
甥長順昌都督次景福旗手衛指揮僉事是時成在髫
齡公主保護甚至恒與同寢置之卧榻數年比長乃已
上亦恒賜手書有曰朕若不念爾母親爾不至今日爾
畜生宜知之後改孝陵衛指揮使至今世襲
十一月封甘肅總兵官朱晟西寧侯子琥尙安成公主

安達之功

朴既疎遠
善亦除獲
以友性命
復已官職
于心安乎

有功中國

瑛尙威寧公王○忠誠伯兵部尙書茹瑞有罪下獄除
名爲民坐不送趙王也○殺庶吉士章朴先是禁收藏
方孝孺詩文令刑部出榜曉諭天下都行燒毀敢有收
藏者照依奸惡罪之時朴屢以註誤與序班楊善同坐
事朴與善言家有孝孺文集善卽借觀密以奏聞上
怒逮朴戮于市而復善官

丙戌永樂四年正月遣使齎璽書褒諭日本國王源道
義先是對馬岐臺等島海寇劫掠居民勸道義捕之道
義出師獲渠魁以獻而盡殲其黨類上嘉其勤誠故
有是命行賜道義金銀綵繡衣綺帳并褥枕銀盤器文

得之心目
也
夷齊之心

得石龜

詔物又封其國山曰壽安鎮國之山立碑親製文賜之
○命趙王高燧居守北京○姚廣孝既見其婦其婦待
之甚嚴他日復求見婦曰吾弟行差路頭今亦悔否廣
孝曰固然第天命有在不得不爾婦不答廣孝曰婦老
矣又家無恒產可遣子與我俱北嘗爲之一官所入常
俸差足供饘粥耳婦曰和尚且休老身止此一子不要
教他做反事卽家貧餓死吾固甘之矣廣孝情不復言
二月詔建孝陵碑伐石龍人得石龜長尺許其文玄蒼
儒臣楊士奇等撰詩賦以進○三御右順門晚朝百官
奏事畢皆趨出上召六部尚書及近臣諭曰蚤朝四

方所奏事多。君臣之間不得盡所言。于後事簡。卿等有
所欲言。可就從容陳論。毋以將晡朕倦于聽納。蓋朕有
所欲言者。亦欲及此時與卿等計議。自今凡有事當商
畧者。皆于晚朝來。庶得盡委曲。

二月會試天下舉人。命侍讀學士王達、洗馬楊溥爲考
試官。取朱縉等二百二十人。

三月廷試。賜進士林環、陳全、劉素等及第。出身有差。○
上視太學。禮部尙書鄭賜言。宋制謁孔子。服靴袍再拜。
上曰。見先師禮不可簡。必服皮弁行四拜禮。○命禮部
購求遺書。上視朝之暇。輒御便殿。閱書史。或召翰林

尊師之至

購求遺書

儒臣講論嘗問文淵閣經史子集皆備否解縉對曰經史粗備子集多闕上曰士人稍有餘資皆欲積書况朝廷可闕乎遂命禮部今擇通知典籍者遣使四出購求○命哈密脫脫襲封忠順王賜以金印先是元肅王勿納失里王哈密安克帖兒者勿納失里之弟也上登極遣使來朝貢馬因封爲忠順王尋爲鬼力赤毒氣無問其兄子脫脫幼俘入中國命襲王爵賜以金印王帶遣其詳還其國撫恤其民召北京儒士武周文至命爲翰林侍講學士上諭胡廣曰朕守藩時王府官亦有三二人知易者然皆不若周文切實但所言亦有

文皇深明
易理

聖出雲布

拘滯處蓋易道在變通不失其正古人隨時從道之說最得要領唯在虛心以玩之耳又曰爲學不可不知易只內君子外小人一語人君用之收效不小未幾以老賜勅致仕○上遣人責季犛篡國之罪季犛卑辭表請天平還國上不逆其詐遣鎮守廣西都督僉事黃中呂毅以兵五千護送天平還時大理卿薛嵩謫廣西中舉以輔行既入安南境至丘溫李犛令陪臣黃晦卿等以廩饋迎候及牛酒犒師晦卿及諸從者見天平皆拜舞踴躍中遣使前覘之往來皆無所見而迎者壺漿相屬于路中以爲實然遂徑進度隘留鷄陵二關將至井

復于野心
潛伏奸謀
欺我中國
之社

站山路險峻林木蒙密軍行不得成列且遇雨潦忽伏
發大呼劫天平遠近相應鼓譟動山谷冠且十餘萬中
等亟整兵擊之寇已斬絕橋道不得前天平與嵩皆以
中等不得已引兵還事聞上大怒謂成國公朱能等
曰叢爾小醜罪惡滔天猶敢潛伏姦謀肆毒如此朕推
誠容納乃爲所欺此而不誅兵則奚用能等皆曰逆賊
罪大天地不容臣等請仗天威一舉殄滅之上遂決
意興師

五月齊王榑有罪入朝留之先是榑結無賴養刺客私
僭帝號及爲呪詛魔鎮等事屢有告之者上不忍罪

之。但賜書諭令改行。于是搏入朝。既至。廷臣交章劾奏搏罪。不當宥。搏厲聲曰。姦臣又欲喋喋放建文時離間耶。理當盡斬此輩。上聞之不懌。曰。搏兇悖出于天性。此其心可知矣。命罷去其隨侍護衛。及長史等官。處之京師。

六月己未朔。日有食之。是日陰雲不見。禮部率百官賀。不許。○回回結牙思進玉死。上不受命。禮部賜鈔遣歸。曰。雲南西南夷大古刺小古刺等部落皆來朝貢。詔置宣慰使司二。長官司五。以統之。先是中官楊瑄與雲南千戶孟景賢齎詔往撫諭諸夷。至大小古刺及隣境。

二宜慰五
官一統
志皆不載
皆以還荒
之極後林
不能通也

諸夷曰底馬撒曰茶山曰底板曰孟倫曰八家塔等處
皆遣使隨瑄等入朝貢方物且言古刺等部皆在西南
極邊自昔不通中國今天朝遣官宣布恩命小民皆願
丙屬乞設官統理仍招諭附近未附之民從之于是以
大古刺首撥的那浪底馬撒首臘岡伯並爲宣慰使餘
皆授長官司長官遣官齎印勅符往賜之○上視朝
罷御右順門召成國公朱能新城侯張輔謂之曰安南
黎賊罪大惡極天地所不容今命汝等將兵討之爾等
由廣西入西平侯由雲南入度用師幾何能等對曰臣
聞仁不可爲衆也仁義之師天下無敵臣等奉揚天威

當一鼓掃滅師之多寡。惟上所命。上壯之。

七月大發兵征討安南黎賊。命成國公朱能佩征夷將軍印鎮守雲南。西平侯沐晟爲左副將軍。新城侯張輔爲右副將軍。豐城侯李彬爲左叅將。雲陽伯陳旭爲右叅將。命兵部尚書劉儔叅贊軍事。刑部尚書黃福大理寺卿陳治督軍餉。置神機遊擊橫海鷹揚驍騎等五將軍。選都督都指揮等官克之。共二十五將軍。督兵分道進發。命沐晟率四川雲南兵由臨安府蒙目縣入。朱能將大軍由廣西思明府憑祥州入。令彼此犄角聲勢相間協力成功。○武臣有言。黃福建文舊臣。且近有過不

君臣相與
在推誠上
能誠則人
皆盡力矣

讀書上

皇明法傳錄

卷五

可復任者。上諭之曰：君臣相與，在推誠，不可蓄疑。唐太宗爲君，王珪、魏徵初皆仇怨，一體委任，用之不疑。兩人終盡乃心，輔政知無不言。尉遲敬德亦仇敵也，既獲而用之，便得其死力。皆太宗有至公之量，故能得士力。朕用人，無間新舊，惟賢才是用，何嘗存一毫私意？有過者必體情容之，有才者必推誠用之。上能誠，則人樂盡力。若或有疑，則人圖苟免，又誰肯盡心？爾自今慎之，勿復有言。

閏七月，詔建北京宮殿，命文武羣臣、國公、兵福等分行各省，做造磚瓦、採木、徵匠赴京聽役。

甘露降
渠出

聖主客直
言路所以
大開也

九月甘露降。孝陵松栢醴泉出。神樂觀命中使取獻。宗廟。分賜廷臣。○戶部人材高文雅言。時政首舉建文事。次及救荒卹民。言詞率直。上命禮部會官議行之。陳瑛等劾奏其狂妄。請寘之法。上曰。草野之人不知忌諱。其中言有可采。勿以直而廢之。

十月。未能有疾。留龍州。張輔等率師發憑祥。度坡壘。關入安南境。前哨破隘。留及鷄陵二關。賊皆敗走。輔等進度片站。至昌江市橋。造浮橋濟師。至北江府。新福縣駐營。沐晟亦率雲南兵至白鶴。遣人來會。時賊特倚東西都。及宣江。洮江。沱江。富良江。以爲固。于江北岸緣江樹

柵多邊隘增築上城城柵相連亘九百餘里盡發江北諸府州民二百餘萬守之又于富良江南岸緣江置柵盡取國中船艦列于柵內諸江海口俱下桿木以防攻擊賊之東都守備亦嚴時列象陣于城柵內欲守險以老我師輔等遂自三帶州駐市江口造船圖進取○征夷將軍成國公朱能卒于龍州年三十七先是師踰廣嶺上謂侍臣曰族夜察天象西師有憂朱能其不免乎能足辯斯事第慮氣候非其所習耳計聞上震悼柵還上親爲文祭之極其悲愴追封東平郡王謚武烈

洪永二朝
皆行海運
不獨便于
二漕費令
將士習于
海道以防
倭寇自海
運廢而後
縱橫浙直
一帶受其
荼毒矣

龍狀貌魁偉身長八尺、駢髀有膂力、每遇勁敵、大呼馳驟、以一當百、敵皆辟易、出謀制、展、靡有遺策、為將善撫士卒、歿之日、將校皆為流涕云

平江伯陳瑄督海運至遼東、舟還、值倭寇劫沙門島、瑄率眾追至朝鮮境上、焚寇舟殆盡、殺溺厥者甚眾。○西城亦力把力國入貢、其國在肅州西北三千七百里、古龜茲國也。

十二月張輔等克安南多邦城、賊西都亦潰、先是驍騎將軍都督僉事朱榮敗賊眾于嘉林江、沐晟軍亦至洮江北岸、與多邦城對壘、輔率大軍營于城北之沙灘、與晟合勢、賊新築土城高峻、城下設重濠、濠內密置竹刺、濠外坎地以陷人馬、城上守具嚴備、賊兵如蟻、時官軍

攻具亦完。輔乃下令軍中曰：賊所恃者此城，大丈夫報國成功，各在此舉。先登者不次陞賞。于是將士皆踴躍用命。議遣兵夜襲其城，以燃火吹銅角爲號。是夜四鼓，輔遣都督黃中等，銜枚昇攻具，過重壕，至西南城下，以雲梯附城。都指揮蔡福等先登，以刀亂砍。賊衆驚呼，城上火炬齊明。銅角競響，城下將士俱奮勇繼發。賊倉皇失措，矢石不得發，皆散走。我軍遂入城。賊將又于城內列陣接戰。驅衆當前，輔督遊擊將軍宋廣等，以舊御蒙馬神機將軍羅文等，以神銃翼而前。衆皆股慄，又爲銳箭所傷，皆退走奔突。賊衆潰亂，官軍長驅而進，殺賊卽

梁民獻祭伯崇等，迨至傘圓山，賊氛者不可勝計。西都賊聞之，亦焚官室倉庫，逃入海。于是三江路宜江、洮江、等州縣次第皆請軍門降。○徵天下道士至京師，卽朝天官神樂觀、洞神宮，修舉金錄齋法薦皇考、皇妣。車駕幸齊壇，七日而畢。○迎西僧尚師哈立麻至京師，先是上在蒲邸，聞烏思藏有尚師哈立麻者，異僧也。及卽位，遣中官侯顯齎書幣往迎。五歷寒暑，乃至車駕躬往視之，無拜跪禮，合掌而已。○既寧王允熲暴卒，邸中忽火起，驚仆地卒。時年十六，謚曰哀簡。

丁亥永樂五年正月，出翰林學士解縉爲廣西布政司

易儲事類

恭議

上訪之新

應百惟解

結知之

上怒遂出

新廣西

聚轉破安

謝

恭議

仁廟為皇長子監國南京最大高麗百計中傷之數

得罪危甚左右皆斥譴上忽一日出虎頭諸彪圖

命繪題識縮題曰虎為百獸君誰敢融其怒惟有父

子情一失一回顧上覽然動念即日命使者迎

皇長子于南京進稽為學士承幾用兵交趾籍力言

交趾古屬廢國通正朔時賓貢而已得其地不足計

焉又言不宜過寵漢王漢王日夜謀藥之出

為廣西參議左中允尹昌隆亦改禮部主事

張輔調兵襲破安南洞江棚及萬劫江昔賴山等處斬

首三萬七千餘級又敗黎賊于木九江斬首萬餘級溺

死者不可勝計郡邑相繼來降○直隸及浙江諸郡軍

民子弟披剃為僧赴京請度牒者千八百人禮部以聞

上怒曰皇考之制民年四十以上始聽出家今犯禁

然事快心

若此是不知有朝廷矣命悉付兵部編軍籍發戍遼東
甘肅。

二月命西僧尙師哈立麻于靈谷寺啓建法壇薦祀

皇考 皇妣尙師卒天下僧伽舉賜普度吏齊科十有

四日鄉雲天花甘雨甘露舍利祥雲青鸞白鶴連日畢

集一夕檜栢生金色花徧于都城正僊羅漢變現雲表

白象青獅莊嚴妙相天燈導引幡蓋旋繞亦既來下又

聞梵唄空樂自天而降羣臣上表稱賀學士胡廣等獻

聖孝瑞應歌頌自是之後 上潛心釋典作爲佛曲使

官中歌舞之

獻聖孝瑞
應歌頌

幻耶

善僧多著
幻術此鄉
雲等其

出家入要
此金銀形
幣何爲

三月封西僧哈立麻爲萬行具足十分最勝圓覺妙智、
慧善普應佑國演教如來大寶法王、西天大善自在佛、
領天下釋教、賜金銀彩幣寶鈔織金珠袈裟金銀器皿、
鞍馬賜儀仗與郡王同、其徒字羅等皆封爲大國師並
賜印誥金幣等物、晏之于華蓋殿、

高汝拭曰、想因是而有感于唐、同光中、五臺僧誠惠
以妖妄惑人、自言能降伏天龍、命風召雨、莊宗信以
爲佛、親率后妃皇子拜之、誠惠安坐不起、已而迎至
洛陽、使之祈雨、數旬不驗、誠惠逃走、以死、天下寧有
佛而死者、其迷也、豈其自目飛昇耶、西僧尚師能致
神雲天花、諸祥瑞似異于誠惠多矣、宜文皇寵禮
而優待之與。

張輔沐晟等大敗恭賊于富良江、晟輔等追賊至富良

安南之役
餉船皆山
之賊已斬
首三萬七
千木元江
斬首萬餘
富良江又
斬首數萬
誠如兵法
所謂殺人
如殺草者
耶越充同
費彬等位
不若白起
勇矣

江賊悉衆拒戰每舟聯亘十餘里橫截江中而用划船載木立柵以拒官軍輔乘柵未備躬督將士力戰賊不能支都督柳升等繼以舟師橫擊之賊大敗殺其將卒數萬人江水爲赤乘勝長驅至黃江直抵閩海口獲賊舟無筭黎季犛父子僅以數小舟遁去僞吏部尙書范覽大理寺卿阮飛卿等皆詣軍門降

四月 皇長孫出閣就學御名瞻基時年九歲命太子太師姚廣孝翰林待詔魯瑄鄭禮等侍講讀上諭之日人于學問當以先聖之言爲主朕長孫天資明睿爾等宜盡心開導凡經史所載孝弟仁義與夫帝王大訓可

韓是帝王
學問

以經綸天下者日與講論浸漬之久涵養之深則德性純而器識廣他日所資甚大不必效儒生釋章句工文詞為能也廣孝等頓首受命尋復召前禮部郎中李繼鼎說書不置僚屬

高汝栻曰皇太孫不但學問優長而言詞英銳時文皇初嘗天壽山命皇太子偕漢趙二王登皇太孫往視之過沙河凍請却步輦就行皇太子素若足疾中官掖之猶或時失足漢王頤趙王曰前人失足後人把滑太孫即應聲曰更有後人把滑聖漢王同顧怒目視久之嗣後終忌太孫英武云

張輔等奏言前蒙聖諭安南平定訪求陳氏子孫俾繼王爵今其國中耆老咸請臣敷陳情悃謂當黎賊篡弑之時搜求陳氏子孫誅夷已盡莫可繼承又謂安南

本古中國之地其後淪夷化爲異類今幸 聖朝掃除
殘賊再觀衣冠願復立郡縣設官治理以漸沐聖化洗
滌夷習臣伏計黎賊父子旦夕就誅郡邑旣平之後宜
有所統陳氏已絕無可訪求必合開設都布按三司以
總率郡縣撫輯兵民奏上羣臣亦以爲請 上曰俟黎
賊父子悉擒而後處置

五月甲子征安南官軍獲賊首黎季犛及其子蒼澄等
安南平先是張輔等督兵追賊至海門涇淺久晴水涸
賊棄舟遁及官軍至大雨水漲數尺舟畢度衆大喜曰
天贊王師滅賊也及輔率步騎至茶龍舟師亦至前哨

復失南賊

皇明法傳錄

卷十四

三五

都督柳升敗賊獲船三百艘餘賊遁輔等乘勝追之至日南升奇羅海口升前哨復與賊遇賊因敗黨與皆散走生擒季犛及其子澄于海口山中獲于永益海口高望山獲僞太虞國王黎舍僞太子黎符并賊將僞柱國東山鄉侯胡柱等餘衆悉降安南平得府十五州四十一縣二百零八戶三百一十二萬

六月置交趾都指揮使司以都督僉事呂毅掌司事黃中爲副布政司按察司以尙書黃福兼掌之以前工部侍郎張顯宗爲左布政司餘皆選人以克置交州北江諒江三江太原宣化建平新安建昌奉化清化鎮蠻諒

山新平、义安、順化、升華、共十七府、宣化、嘉興、歸化、廣威、
濱州、共五州、以統諸州縣、置十衛、二千戶、所官軍以守
之。

高汝棧曰、文皇郡縣交趾、蓋欲化蠻夷、使爲中華、故
置文武諸司、大小四百七十餘所、官吏將士、河番數
萬、後交趾一失、數萬人皆斷送爲炎荒之鬼、不亦悲
乎、矣、生靈猶不足惜、而損天朝威重甚、可惜也、說者
曰、當時宜建一藩國、使得握兵御吏、毋與內諸侯同
則其人以國有王也、不復生心、而交南長爲中國有
矣、孰與捐之夷狄乎、又或者謂當時宜勅王通、駐師
境上、勿卻、而更遣英、國再臨之、蓋英、國三定交南、蠻
醜所望、而震焉者、使之相機觀變、可取則取之、不可
則責、利、便、盡、歸、中、華、從、其、請、而、封、之、斯、仁、耶、而、義
苦矣、二、揚、息、兵、養、民、之、說、一、出、靡、然、
爲、敵、欺、而、不、較、余、思、此、嘗、爲、三、載、云、

七月、勅張輔等訪求交趾人材、禮送赴京、擢用、以安南

歸附人裴伯耆爲交趾左叅政舉明經士人甘潤祖等
十一人爲諒江等府同知賜勅慰勉

改廣西叅政解縉爲交趾叅政

李至剛奏其怨望也。稱天才藻發出口成章。中秋夜
侍上賞月月爲雲掩。結作風落梅一闕云。掃娥面。今
夜圓。垂簾不著。臣見。揆今宵倚欄不去眠。香誰過。廣
寒宮殿。上覽惟甚。七歲時。母孀居。苦于催教。縉以詩
投邑宰曰。母在家中。守父憂。却教兒子新原由。他年
諒有。途日。好把春風判筆頭。筆疑其代筆。而試之
命賦堂。是。小松。縉應聲曰。小小青松未出欄。枝葉
葉。耐寒霜。如今。正好低頭看。他日。參天。仰面難。笑青

乙卯 皇后徐氏崩諡曰仁孝皇后

后疾劇。上臨問。對曰。今至此命也。但身象。上慰
位中宮。不得終事。此遺恨耳。又曰。天下雖定。兵甲不
用。然生民未大休息。惟上矜念之。上復問有何
言。曰。願廣求賢才。明別邪正。不以小過而弃之。不以

小才而比之子孫成之以學宗室親之以恩妾不能
報上恩矣願無驕奢外家上泣后亦泣曰人生
歲有定惟上制恩自愛勿以妾故傷聖心遺令
太子身沒之日喪祭務從簡省毋妨臣民后崩上
哭之慟羣臣奉慰上曰皇后仁明賢淑漢馬氏
庶長孫之倫也雖處宮中其念惟在仁民繼今庶人
官不復闢直言矣后中山王達女也傳通載籍每覽
古人言行之懿者即思曰古人書之冊固欲後人仿
而行之洪武九年正月冊為燕王妃恭勤婦道高
后深愛重高后崩哀毀動左右執喪三年蔬食如
常上靖難太子守國事多稟命上上人正大統
后正位中宮愈益勸每以親親仁民養賢訓儲為
言上悉嘉納嘗命婦入見賜冠服鈔幣且諭之曰
妻之事夫其道豈止衣服饘食必有德行之助焉古
公侯夫人及大夫士之妻助成其天之德化有形于
詩歌有載諸史傳者矣古今人宜相遠哉常情朋友
之言有從有違夫婦之言婉婉易入吾父宮中且夕
侍皇上上未嘗不以生民為念每承顧問多見聽納
今皇上所與其圖理道者今卿翰林之臣數輩諸命
婦可不有以翼贊于內乎百姓多將國家為國家安

則君臣同享富貴澤被子孫矣喜觀女憲女戒書林
其要義作內編二十篇居常存心內典後取道釋迹
言善行類編之名勸善書卒時年四
十六太子及漢王趙王皆后出

九月張輔沐晨等遣都督柳升等資露布檻送黎季犛
黎蒼等獻俘至京上御奉天門受之文武羣臣偕兵
部侍郎方賓讀露布至弒主篡國僭號紀元等語一上
使問季犛父子曰此為人臣之道乎季犛父子不能對
詔以季犛及子蒼及其僞將相胡柱等悉付獄赦其子
孫澄芮等

十一月永樂大典書成先是上命翰林臣解縉等採
各書所載事物類聚之而統之以韵族幾考索之便縉

此書後以
卷目大繁
不及刊布
而廢

四夷館

等受命輯成上之賜名文獻大成既而上覽其書尚
多未備復命重修以太子少師姚廣孝刑部侍郎劉季
寬及緝總兵事以學士王景王達祭酒胡儼洗馬楊溥
儒士陳濟爲總裁侍講鄒緝等二十人副之簡中外官
及四方耆老儒士文學者充纂修及繕寫之士三十人
凡四歷寒暑至是始成書更賜名永樂大典上親
製序文○設四夷館命禮部選國子生蔣禮等三十八
人隸翰林院習譯書人月給米一石遇開科令就試仍
譯所作文字合格出身置館于長安右門之外處之分
爲八館曰韃靼曰女直曰西番曰西天曰回回曰百夷

皇明法傳錄

卷十四

高皇帝

三

日高昌曰緬甸。○以仁孝皇后內訓賜羣臣俾教于家。命內閣儒臣考滿吏部勿改外任。

十二月撒馬罕頭目哈里遣人送給事中傳安郭驥還。撒馬兒罕漢尉賓也。尙回回教。洪武二十八年國主帖木兒遣回回滿剌哈非思貢駝馬。自是表貢不絕。二十八年遣兵科給事傳安郭驥等使西域留撒馬罕兒。至是頭目哈里令虎達送安等還。且貢方物厚賜之。改安等禮科賜。

十二月命戶科都給事中胡濙巡遊天下搜訪異人張三丰上祭近侍中以漢忠實可託命偏行天下以搜

願著進言
保全多矣

望思所及
深矣

訪異人爲名實察人心向背雖窮瘁下邑輟跡無不到
其在湖湘最久垂十年始還朝或曰此舉爲蹤跡建文
君也○廣東布政徐奇入覲載嶺南藤簞將以餽廷臣
邏者獲其單目以進上視之無楊士奇名乃獨召之
問故士奇曰徐奇自都給事中受命赴京時衆皆作詩
文贈之故有此餽臣時有病無所作不然亦不免今衆
名雖具受否未可知且物甚微當亦無他上意解卽
以單目付中官令燬之○以太祖高皇帝戒節功臣
鎮榜及勅旨頒賜武臣○是年徐輝祖卒年四十上
曰輝祖與齊泰輩罪同宜論死念中山王平定天下有
皇明法傳錄卷十四 文皇帝

大功曲赦輝祖。今輝祖病死，中山王不可無後。輝祖長子釋迦保見賜名欽。今襲魏國公，遂乞守墓。意云：輝祖不○善承青上怒，謫居中都。

不但新附
即各處
因民亦
止保軍實

戊子，永樂六年正月，掌交趾布政司事尚書黃福言：交趾初平，其地徵歛不一，請酌量輕重為定制。上曰：比除交趾郡縣官，朕數諭之為政務寬簡，以綏新附之民。無重徵歛。福所言良合朕意，遂命戶部會官定議，務從輕省。

三月，巡按福建鹽察御史趙升及布政司按察司奏以栢生花為瑞。上賜勅責之曰：朕主宰天下，于生民休

爾若好言
神瑞
聖主惟在
利民明暗
之分辨
守此

御按爲情
非好人即
猜民也禁
之妙

戚未能徧知故委任爾等鎮撫藩方以圖安輯而乃肆
志安逸于軍民疾苦一毫不言而今言栢花爲瑞夫時
和歲豐物無疵癘生民足食四夷順安此國家之瑞也
樹木之花世所常有何益于國何利于民而以爲瑞耶
相爲朋比戲佞于忠君恤民之心果安在哉姑曲宥爾
等若復爲欺罔不赦旣而蘇州揚州二府復言檜花爲
瑞上曰近蘇松諸郡水滂爲災有司徃徃蔽不以聞
昨有奏栢花爲瑞者已責其欺罔今又言檜花小人之
務謏說也可惡仍降璽書切責之○詔中外軍民子弟
自削髮冒爲僧者并其父兄送京師發五臺山輸作畢

圖
進交趾地

日就北京爲民種田及盧龍牧馬寺主僧檀客留者亦發北京爲民種田○交趾總兵官張輔沐晟等班師至京輔等上交趾地圖東西一千七百里南北二千八百里建設軍民大小衙門共四百七十有二○禮部尙書鄭陽卒改刑部尙書呂震爲禮部尙書以都御史劉觀爲刑部尙書

七月論平交趾功進封新城侯張輔爲英國公西平侯沐晟爲黔國公豐城侯李彬雲陽伯陳旭各增祿五百石清遠伯王友進清遠侯都督僉事柳升封安遠伯戰死都督僉事高士文追封建平伯親擒黎季犛軍人爲

多隆不若
重賞此謀
國名言

首者王柴胡超陞指揮使爲從者李廣等四人皆陞指
揮僉事先是交趾平

上問戶部尚書夏原吉日陞與
賞○功○員○法○

賞孰便原吉對曰賞費于一時有限陞費于後日無窮
多陞不若重賞上從之于是惟陞元功餘皆班齊有

差○韃靼太師阿魯合迎立本雅失里建文末虜王坤

帖木兒被弑鬼力赤力非元裔也部下叛之阿魯合統

有其部落至是迎立蒙古之族本雅失里而鬼力赤爲

其下所戕瓦剌三酋馬哈木等不附阿魯台自相仇殺

乃來朝貢詔封馬哈木爲順寧王太平爲賢義王把禿

孛羅爲安樂王○上御奉天門顧廷臣曰近日郡縣數

不學二字
指出病癥

論計交趾

奏水旱。朕甚不寧。右通政馬麟對曰。水旱出于天數。堯
湯之世。所不免。今閭一二處有之。不至大害。上曰。爾
此言不學故也。洪範恒雨恒暘。皆本于人事。不修。顧侍
郎方賓等曰。朕與卿等皆當修省。更須擇賢守令。守令
賢則下民安。民安于下。則天應于上。麟言豈識天人感
應之理。八月。戶部言舊定屯田賞罰例。已刊著紅牌。蒙
聖諭以田工新開墾。所收不能及數。期三年後。依紅
牌例考較。今已及期。當舉行之。上曰。屯田固重務。若
徵收太重。人不能堪。仍從輕例。○交趾蠻寇簡定等作
亂。命黔國公沐晟總兵討之。定陳氏故官。先是已歸附。

將追赴京師復逃回與化州僞官鄧悉阮晏等聚衆謀
作亂悉等推定爲主僭號紀元寇交州近城黎賊餘黨
多應之其勢日盛官軍屢出無功恭請益兵遂命晟發
雲南貴州四川兵數萬往征之仍命兵部尙書劉儁往
贊軍事○于聞人貢其國在肅州西南六千三百里○
渤泥國王率其妃及家屬陪臣來朝尋卒命其子發越
襲王遣內官及行人送還國○滿剌加入貢詔封其王
西利八兒速刺爲滿剌加國王其國前代未嘗通中國
丘氏濟曰三代盛時疆域西不盡泥沙南不盡衡山
東不盡東海北不盡恒山地勢卽止漢始通西域開
西南夷皆由陸以通隋唐以來航海之使始至然
皆自君長其國未有受天子命者有之聲自今日

諸番入貢
皆越山越
海而來凡
有阻氣者
莫不慕觀
前代未有

遼幸北京

是時諸番入貢者復有西洋古里國蘇門答刺國榜葛
刺國呂宋國合猶里國磔里國打回國日羅夏治國忽
魯毋恩國占里班卒國井把里國麻林國各遣使來朝
貢万物

永樂中入貢諸番有婆羅國彭亨國阿魯國小葛蘭
國須文達那國拂麻國柯枝國麻刺國忽魯謨斯國
治納撲兒國加異勒國溜山國阿哇國南巫里國忽
蘭丹國賓刺泥國夏刺北國賓察泥國烏沙刺錫國
阿丹國魯密國彭加那國捨刺國齊入可意國次巴
夷昔國左法兒國墨葛達國八答黑商國日落國允
三十餘國皆西洋國也前代皆
未嘗通中國者載大明會典

十月下詔以明年二月巡幸北京命皇太子監國一切
供給飲食之費皆已自備不煩于民諸司毋得有所進

獻者。○涼州韃官都督僉事吳允誠之子吳答蘭柴秉誠之子柴別力哥等自陳戴朝廷厚恩久居邊境願帥精騎巡邏漠北以展報效從之時鬼力赤爲衆所戕北虜迎立本雅失里有不相附而奔潰者故吳答蘭等請出塞自効○侍講楊榮連丁親喪乞歸守制以將巡幸北京不許

十一月命丘福、蹇義、金忠、胡廣、黃淮、楊榮、楊士奇、金幼孜等兼輔導。皇長孫諭之曰：朕長孫天章日表玉質，龍姿孝友，英明寬仁，大度年未一紀，體具志寧，動必中規，言必合道。好學之篤，夙夜孜孜，日誦萬言，必領要義。

交趾獲見

將是化外
難以德服
力服

朕嘗試之以事輒能裁決得中。斯實宗社之靈。上天錫
慶。篤生異質。以福祐天下。卿等其悉心輔導。

十二月沐晟帥師與交趾賊簡定戰于生厭江。敗績。刑
部尚書劉儵都督僉事呂毅交趾布政司叅政劉昱等
皆歿之。于是貳勢益熾。攻陷諸郡縣。事聞。復命英國公
張輔爲總兵官。清遠侯王友爲副帥。帥師二十萬往征之。

皇明通紀法傳全錄卷十四終